



ДОМ НАРОДА
ПРЕДСТАВНИЧКИ ДОМ

Комисија за избор и праћење рада
Агенције за превенцију корупције и
координацију борбе против корупције

DOM NARODA
PREDSTAVNIČKI DOM/ZASTUPNIČKI DOM

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

Broj: 05/8-50-14-485-7/16

Sarajevo, 2. 3. 2016.

Na osnovu člana 18. stav (1) b), a u vezi s čl. 13. i 16. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", br. 103/09 i 58/13), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03) i člana 18. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, Komisija objavljuje

JAVNI KONKURS

ZA IMENOVANJE DIREKTORA I DVA ZAMJENIKA DIREKTORA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

I.

U Agenciji za prevenciju korupcije i koordinaciju borbe protiv korupcije, u skladu s članom 12. st. (1) i (2) Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", br. 103/09 i 58/13), upražnjena su mjesta: direktora i dva zamjenika direktora:

1/01 Direktor Agencije za prevenciju korupcije i koordinaciju borbe protiv korupcije

Broj izvršilaca: jedan (1) izvršilac.

1/02 Zamjenik direktora Agencije za prevenciju korupcije i koordinaciju borbe protiv korupcije

Broj izvršilaca: dva (2) izvršioca.

Napomena: Potrebno je navesti u prijavi na koju poziciju, ili pozicije, se kandidat prijavljuje. Kandidati koji se budu prijavili za obje pozicije mogu dostaviti jedan primjerak dokumentacije.

U skladu s članom 3. Zakona o Agenciji za prevenciju korupcije i koordinaciju borbe protiv korupcije, smatrat će se da su u sukobu interesa izabrani zvaničnici, nosioci izvršnih dužnosti, savjetnici ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost, transparentnost, objektivnost i nepristrasnost u obavljanju javnih dužnosti, odnosno u kojima privatni interes šteti ili može štetiti javnom interesu.

II.

Kandidat za direktora i dva zamjenika direktora Agencije za prevenciju korupcije i koordinaciju borbe protiv korupcije mora, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, Zakonom o Agenciji za prevenciju korupcije i koordinaciju borbe protiv korupcije, te u skladu s odredbama Poslovnika Komisije, ispunjavati sljedeće opće i posebne uslove:

Opći uslovi:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije;
- da nije obuhvaćen odredbom člana IX. stav 1. Ustava BiH.

Posebni uslovi:

- visoka stručna sprema (VII. stepen obrazovanja, odnosno najmanje 240 ECTS po Bolonjskom procesu školovanja);
- najmanje pet godina radnog iskustva na rukovodnim poslovima u odgovarajućoj oblasti koja je predmet Zakona, te s visokim profesionalnim i moralnim ugledom.

(Napomena: Pod radnim iskustvom podrazumijeva se isključivo radno iskustvo nakon stečene visoke školske spreme.)

Pored općih i posebnih uslova, potrebno je da kandidat ispunjava i uslove:

- da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini;

III.

Direktor i zamjenici direktora Agencije imenuju se na mandat od pet godina, s mogućnošću još jednog ponovnog izbora.

IV.

Potrebni dokumenti:

Uz prijavu na Javni konkurs kandidat je dužan priložiti:

1. radnu biografiju (CV) s adresom i kontakt brojem telefona;
2. ovjerene fotokopije fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6.4.1992. u nekoj od država nastalih na području bivše SFRJ, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodataka univerzitetskih diploma);
3. uvjerenje o državljanstvu Bosne i Hercegovine, ne starije od šest mjeseci;
4. dokaz o traženom radnom iskustvu na rukovodnim poslovima u odgovarajućoj oblasti, izdat od relevantne institucije;
5. svojeručno potpisanu izjavu i ovjerenu kod nadležnog organa da je saglasan da Komisija za izbor i praćenje rada Agencije za prevenciju korupcije i koordinaciju borbe protiv korupcije može, po službenoj dužnosti, zatražiti od nadležnog organa (suda) dokaz da protiv njega nije pokrenut krivični postupak za krivično djelo za koje je predviđena kazna zatvora tri i više godina;
6. svojeručno potpisanu izjavu i ovjerenu kod nadležnog organa da mu nije izrečena zatvorska kazna za krivično djelo počinjeno s umišljajem u skladu s krivičnim zakonima u Bosni i Hercegovini, te saglasnost da Komisija za izbor i praćenje rada Agencije za prevenciju korupcije i koordinaciju borbe protiv korupcije može, po potrebi, po službenoj dužnosti zatražiti od nadležnog policijskog organa dokaz o neosuđivanosti;
7. dokaz (ovjerenu izjavu) da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana objavljivanja upražnjene pozicije;
8. ovjerenu izjavu da nije obuhvaćen odredbom člana IX. stav 1. Ustava BiH;
9. ovjerenu izjavu o spremnosti odstupanja sa svih funkcija u skladu s članom 14. Zakona o Agenciji za prevenciju korupcije i koordinaciju borbe protiv korupcije.

Napomena: Dokumenti se dostavljaju u originalu ili kao ovjerene kopije. Predati dokumenti ne podliježu vraćanju.

V.

U skladu s članom 13. stav (1) Zakona o Agenciji za prevenciju korupcije i koordinaciju borbe protiv korupcije i članom 23. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, kandidati koji budu ispunjavali uslove Javnog konkursa prolaze provjere koje se provode prilikom imenovanja članova Vijeća ministara BiH.

VI.

Nakon provedenog Javnog konkursa kandidati koji budu ispunjavali uslove bit će pozvani na intervju.

Cilj intervjuja je da utvrdi stručnost i kandidatovu osposobljenost za obavljanje traženih zadataka, te krajnju i ukupnu ocjenu kandidata.

Kandidat je obavezan da otkrije bilo koju činjenicu koja bi mogla dovesti do sukoba interesa u slučaju njegovog imenovanja.

VII.

Javni konkurs objavljuje se u "Službenom glasniku BiH", „Službenom glasniku Brčko Distrikta BiH“ i na internetskoj stranici Parlamentarne skupštine BiH: www.parlament.ba., a obavještenje o Javnom konkursu bit će objavljeno u dnevnim listovima „Oslobođenje“, „Večernji list“ i „EuroBlic“.

Prijavu na Javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi.

Prijava s dokumentacijom dostavlja se poštom, preporučeno, na adresu:

PARLAMENTARNA SKUPŠTINA BOSNE I HERCEGOVINE
Komisija za izbor i praćenje rada Agencije za prevenciju korupcije i koordinaciju borbe protiv korupcije

"JAVNI KONKURS

ZA IMENOVANJE DIREKTORA I DVA ZAMJENIKA DIREKTORA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

- NE OTVARATI - "

71 000 Sarajevo, Trg BiH br. 1.

Napomena: Neblagovremene prijave neće biti razmatrane, a nepotpune i neuredne prijave bit će odbačene.